



家範第一卷

家範總部彙考

易經 說卦傳

乾天也故稱乎父坤地也故稱乎母震一索而得男故謂之長男巽一草木殺一禽獸非其時謂之不索而得男故謂之中男離再索而得女故謂之中女艮三索而得男故謂之少男兌三索而得女故謂之少女大節齋蔡氏曰乾坤交而生震巽坎離艮兌故以能生者爲父母而生者爲子一索再索三索者以初中終三畫而取此長中少之序也震坎艮皆陽故曰男巽離兌皆陰故曰女漢上朱氏曰將說天地生萬物而先言人者天地之性人爲貴萬物皆備於人也乾天也爲陰之父坤地也爲陽之母萬物分天地也男女分萬物也察乎此則天地與我並生萬物與我同體是故聖人親其親長其長而天下平伐一草木殺一禽獸非其時謂之不孝

序卦傳下

有天地然後有萬物有萬物然後有男女有男女然後有夫婦有夫婦然後有父子有父子然後有

君臣有君臣然後有上下然後禮義有所錯

大

臨川吳氏曰先言天地萬物男女者有夫

婦之所由也后言父子君臣上下者有夫婦則其所生爲父子由家而國雖非父子而君尊臣卑之分如父子也由國而天下雖非君臣而上貴下賤之分如君臣也禮義所以分別尊卑貴賤之等錯猶置也乾坤咸不出卦名者以其爲上下篇之首卦特別異之

禮記 曲禮

男女不雜坐不同櫨枷不同巾櫛不親授

陳

植者曰揮橫者曰櫨枷與架同置衣服之具也巾以

澆潔櫛以理髮此四者皆所以遠私褻之嫌

外言不入於櫨內言不出於櫨

陳

櫨門限也內外有限故男不言內女不言外

姑姊妹女子子已嫁而反兄弟弗與同席而坐弗與同器而食

陳

女子子重言子者別於男子也

專言兄弟者遠同等之嫌

男女異長

陳

各爲伯仲示不相干雜之義也

士不名家相長妾

陳

不名不以名呼之也

疏

家相助知家事者長妾妾之有子者

祭王父曰皇祖考王母曰皇祖妣父曰皇考母曰皇妣夫曰皇辟

陳

注曰皇曰王皆以君之稱尊之

也考成妣嬪辟法也妻所法式也爲之宗廟以鬼享之不得不異其稱謂也

生曰父曰母曰妻曰死曰考曰妣曰嬪

陳

注嬪者婦人之美稱嬪猶賓也夫所賓敬也

內則

男不言內女不言外非祭非喪不相授器其相授則女受以篚其無篚則皆坐奠之而後取之

陳

男正位乎外不當於外而言內庭之事女正位乎內不當於內而言梱外之事惟喪祭二事乃得以器相授受者以祭爲嚴肅之地喪當急遽之時乃無他嫌也非此二者則女必執篚使授者置之篚中也皆坐男女皆跪也授者跪而置諸地則受者亦跪而就地以取之也

外內不共井不共溲浴不通寢席不通乞假男女不通衣裳內言不出外言不入男子入內不嘯不指夜行以燭無燭則止女子出門必擁蔽其面夜行以燭無燭則止道路男子由右女子由左

陳

溲浴室也不嘯不指謂聲容有異駭人視聽也舊讀嘯爲叱今詳嘯非家庭所發之聲宜其不可叱或有當發者如見非禮舉動安得不叱以警之乎讀如本字爲是

爾雅 釋親

父爲考母爲妣

注

禮記曰生曰父母妻死曰考妣嬪今世學者從之案尙書曰大傷厥考心事厥

考厥長聽聽祖考之彝訓如喪考妣公羊傳曰惠公者何隱之考也仲子者何桓之母也蒼頡篇

曰考妣延年書曰嬪于虞詩曰聿嬪于京周禮有九嬪之官明此非死生之異稱矣其義猶今謂

兄爲舅妹爲媼卽是此例也

父之考爲王父父之妣爲王母

注

加王者尊之

王父之考爲曾祖王父王父之妣爲曾祖母

注

曾猶重也

曾祖王父之考爲高祖王父曾祖王父之妣爲高祖母

注

高者言最在上

父之世父叔父爲從祖祖父父之世母叔母爲從祖母

注

從祖而別世統異故

父之舅弟先生爲世父後生爲叔父

注

世有爲嫡者嗣世統故也

男子先生爲兄後生爲弟男子謂女子先生爲姊後生爲妹父之姊妹爲姑父之從父舅弟爲從祖

父父之從祖舅弟爲族父族父之子相謂爲族舅弟族舅弟之子相謂爲親同姓

注

同姓之親無

服屬

兄之子弟之子相謂爲從父舅弟

注 從父而別

子之子爲孫

注 孫猶後也

孫之子爲曾孫

注 曾猶重也

曾孫之子爲元孫

注 元者言親屬微昧也

元孫之子爲來孫

注 言有往來之親

來孫之子爲舅孫

注 舅後也汲冢竹書曰不啻之舅孫

舅孫之子爲仍孫

注 仍亦重也

仍孫之子爲雲孫

注 言輕遠如浮雲

王父之姊妹爲王姑曾祖王父之姊妹爲曾祖王姑高祖王父之姊妹爲高祖王姑父之從父姊妹爲從祖姑父之從祖姊妹爲族祖姑父之從父舅弟之母爲從祖王母父之從祖舅弟之母爲族祖王母父之兄妻爲世母父之弟妻爲叔母父之從父舅弟之妻爲從祖母父之從祖舅弟之妻爲族

祖母父之從祖祖父爲族曾王父父之從祖祖母爲族曾王母父之妾爲庶母祖王父也舅兄也

注今江東人通言舅

疏

此別同宗親族白虎通曰父矩也以法度教子也又爲考考成也言有成

德廣雅云母牧也言育養子也又爲妣妣媿也媿匹於父廣雅又云兄況也況於父又謂之舅弟
悌也言順於兄子孜也以孝事父常孜孜也孫順也順於祖男任家事也女如也白虎通曰言如
人也徐鍇曰女子從父之教從夫之命故曰如姑故也言尊如故也又謂之威徐鍇曰土盛於戊
土陰之主也故字從戊漢律曰婦告威姑是也姊咨也以其先生言可咨問說文云妹女弟也又
謂之媚妾接也鄭注禮記云聞彼有禮走而往焉以得接見於君子也庶母者父之妾也此皆同
宗之族也白虎通云宗者何謂也宗猶尊也謂先祖主也宗人之所尊也禮曰宗人將有事族人
皆待侍所以必有宗何也所以長和睦也族者何也族者湊也聚也謂恩愛相流湊生相親愛
死相哀痛有會聚之道故謂之族也注云禮記曰生曰父母妻死曰考妣嬪者曲禮下篇文也云
今世學者從之者謂從禮記以父母妻爲生之稱以考妣嬪爲死之稱彼乃記者一家之說爾學
者膠柱遂爲生死定稱非也故郭氏引諸文以證之云尙書曰大傷厥考心康誥文也云事厥考

厥長聰聽祖考之彝訓者皆酒誥文也云如喪考妣者舜典文也此皆生稱考妣也云公羊傳曰惠公者何隱之考也仲子者何桓之母也者隱元年傳文也此卽死稱母也云蒼頡篇曰考妣延年者此亦生稱考妣也云書曰嬪于虞者堯典文也云詩曰聿嬪于京大雅大明篇文也云周禮有九嬪之官者屬天官掌婦學之法者也此皆生稱嬪者也云明此非死生之異稱矣者所以破先儒之說也云其義猶今謂兄爲舅妹爲媼卽是此例也者舉類以曉人也云從祖而別世統異故者解所以稱從之理也從祖而別繼世分宗其統各異故曰從祖別世有爲嫡者嗣世統故也者解所以稱世之義也繼世以嫡長先生於父則繼世者也故曰世父說文叔作未許慎曰從上小言尊行之小也云同姓之親無服屬者禮記大傳云親者屬也鄭注云有親者服各以其屬親疏此經言親同姓者謂五世之外比諸同姓猶親但無服屬爾云孫猶後也言繼後嗣也廣雅云孫順也許慎云從子從系系續也言順續也言順續先祖之後也云元者言親屬微昧也又元者緼緼之間色色之微昧者也親屬微昧故曰元孫云舅後也汲冢竹書曰不窋之舅孫舅後也母之考爲外王父母之妣爲外王母母之王考爲外曾王父母之王妣爲外曾王母

注
異姓故言

外

母之舅弟爲舅母之從父舅弟爲從舅母之姊妹爲從母從母之男子爲從母舅弟其女子子爲從母姊妹

疏

此一節別母之族黨也云舅者孫炎云舅之言舊尊長之稱詩秦風云我送舅氏曰至

渭陽是也

妻之父爲外舅妻之母爲外姑

注

謂我舅者吾謂之甥然則亦宜呼壻爲甥孟子曰帝館甥于貳

室是也

姑之子爲甥舅之子爲甥妻之舅弟爲甥姊妹之夫爲甥

注

四人體敵故更相爲甥甥猶生也今

人相呼蓋依此

妻之姊妹同出爲姨

注

同出謂俱已嫁詩曰邢侯之姨

女子謂姊妹之夫爲私

注

詩曰譚公維私

男子謂姊妹之子爲出

注

公羊傳曰蓋舅出

女子謂舅弟之子爲姪

注

左傳曰姪其從姑

謂出之子爲離孫謂姪之子爲歸孫女子子之子爲外孫女子同出謂先生爲姒後生爲娣

注同

出謂俱嫁事一夫公羊傳曰諸侯娶一國二國往媵之以姪娣從娣者何弟也此卽其義也

女子謂兄之妻爲嫂弟之妻爲婦

注猶今言新婦是也

長婦謂稚婦爲娣婦娣婦謂長婦爲姒婦

注今相呼先後或云妯娌疏

此一節別妻之親黨也內

則曰聘則爲妻白虎通云妻者齊也與夫齊體自天子下至庶人其義一也注孟子曰舜尙見帝
帝館甥于貳室亦饗舜迭爲賓主是天子而友匹夫也彼注云尙上也舜在畎畝之時堯友禮之
舜上見堯舍之於貳室貳室副宮也堯亦就饗舜之所設更迭爲賓主禮記妻父曰外舅謂我舅
者吾謂之甥堯以女妻舜故謂堯甥卒與之天位是天子之友匹夫也一四人謂姑之子舅之子
妻之舅弟姊妹之夫也此四人尊卑體敵更相爲甥云甥猶生也者取相親之意也一邢侯之姨
譚公維私皆衛風碩人篇文也孫炎曰私無正親之言然則謂吾姨者我謂之私邢侯譚公皆莊
姜姊妹之夫互言之耳春秋譚子伐莒則譚是子爵言公者蓋依臣子稱便文耳一公羊傳曰蓋
舅出案春秋襄五年夏叔孫豹酈世子巫如晉公羊傳曰外相如不書此何以書爲叔孫豹率而

與之俱也叔孫豹則曷爲率而與之俱蓋舅出也何休云巫者鄆前夫人襄公母妹夫之子也俱
莒外孫故曰舅出是也一左傳曰姪其從姑案僖十五年傳云初晉獻公筮嫁伯姬於秦遇歸妹
之睽史蘇占之曰不吉其繇曰姪其從姑杜注云震爲木離爲火火從木生離爲震妹於火爲姑
謂我姪者我謂之姑謂子圉質秦是也一云公羊傳曰案春秋莊十九年秋公子結媵陳人之婦
于鄆遂及齊侯宋公盟公羊傳曰媵者何諸侯娶一國則二國往媵之以姪娣從姪者何兄之子
也娣者何弟也諸侯一聘九女諸侯不再娶何休云必以姪娣從之者欲使一人有子二人喜也
所以防嫉妒令重繼嗣也因以備尊尊親親也九者極陽數也不再娶者所以節人情開媵路一
云猶今言新婦是也案儀禮喪服傳云夫之昆弟何以無服也其夫屬乎父道者妻皆母道也其
夫屬乎子道者妻皆婦道也謂弟之妻婦者是嫂亦可謂之母乎故名者人治之大者也可無慎
乎鄭注云道猶行也言婦人棄姓無常秩稱嫁於父行則爲母行嫁於子行則爲婦行謂弟之妻
爲婦者卑遠之故謂之娣嫂者尊嚴之稱是嫂亦可謂之母乎嫂猶叟也叟老人稱也是爲序男
女之別爾若己以母婦之服服兄弟之妻兄弟之妻以舅子之服服己則是亂昭穆之序也治猶

理也父母兄弟夫婦之理人倫之大者可不慎乎大傳曰同姓從宗合族屬異姓主名治際會名著而男女有別是別嫂婦之名也郭云猶今言新婦者以時驗而知也至今猶然一今相呼先後或云妯娌者廣雅云娣姒妯娌先後也人多疑娣姒之名皆以爲兄妻呼弟妻爲娣弟妻呼兄妻爲姒因卽惑於斯文不知何以爲說今謂母婦之號隨夫尊卑娣姒之名從身長幼以其俱來夫族其夫班秩旣同尊卑無以相加遂從身之少長喪服小功章曰娣姒婦報傳曰娣姒婦者弟長也以弟長解娣姒言娣是弟姒是長也公羊傳亦云娣者何弟也是其以弟解娣自然以長解姒長謂身之年長非夫之年長也此云長婦謂稚婦爲娣婦娣婦謂長婦爲姒婦者止言婦之長稚不言夫之大小左傳成公十一年穆姜謂聲伯之母爲姒昭公八年傳叔向之嫂謂叔向之妻爲姒二者皆呼夫弟之妻爲姒豈計夫之長幼乎上云女子同出謂先生爲姒後生爲娣郭云同出謂俱嫁事一夫也事一夫者以己生先後爲娣姒則知娣姒以己之年非夫之年也故賈逵鄭元及杜預皆云兄弟之妻相謂爲姒言兩人相謂長者爲姒知娣姒之名不計夫之長幼也

婦稱夫之父曰舅稱夫之母曰姑姑舅在則曰君舅君姑沒則曰先舅先姑

注

國語曰吾聞之先

姑

謂夫之庶母爲少姑夫之兄爲兄公

注今俗呼兄鍾語之轉耳

夫之弟爲叔夫之姊爲女公夫之女弟爲女妹

注今謂之女妹是也

子之妻謂婦長婦爲嫡婦衆婦爲庶婦女子子之夫爲壻壻之父爲姻婦之父爲婚父之黨爲宗族
母與妻之黨爲兄弟婦之父母壻之父母相謂爲婚姻兩壻相謂爲亞

注詩曰瑱瑱姻亞今江東

人呼同門爲僚壻

婦之黨爲婚兄弟壻之黨爲姻兄弟

注古者皆謂婚姻爲兄弟

嬪婦也

注書曰嬪于虞

謂我舅者吾謂之甥也

疏

此別夫婦婚姻之名也說文云婦服也從女持帚灑掃也白虎通云夫

婦者何謂也夫者扶也以道扶接婦者服也以禮屈服謂之舅姑者何舅者舊也姑者故也舊故
老人稱也夫之父母謂舅姑何尊如父而非父者舅也親如母而非母者姑也鄭註喪服傳云女
子子者子女也別於男子也說文云壻女之夫也從士從胥聞一知十爲士胥者有才智之稱故

謂女之夫爲壻廣雅云壻謂之倩方言云東齊之間壻謂之倩白虎通云婚姻者何謂昏時行禮故曰婚婦人因夫而成故曰姻註國語曰吾聞之先姑者魯語季康子問于公父文伯之母曰主亦有以語肥也對曰吾能老而已何以語子曰雖然肥願有聞于主對曰吾聞諸先姑曰君子能勞後世有繼子夏聞之曰善哉商聞之曰古之嫁者不及舅姑謂之不幸夫婦學于舅姑者也是矣瑣瑣姻亞小雅節南山文也劉熙釋名云兩壻相謂爲亞者言每一人取姊一人取妹相亞次也又並來女氏則姊夫在前妹夫在後亦相亞也古者皆謂婚姻爲兄弟者禮記曾子問曰昏禮旣納幣有吉日女之父母死則如之何孔子曰壻使人弔如壻之父母死則女之家亦使人弔鄭注云必使人弔者未成兄弟又云父喪稱父母喪稱母父母不在則稱伯父世母壻已葬壻之伯父致命女氏曰某之子有父母之喪不得嗣爲兄弟使某致命女氏許諾而弗敢嫁禮也是古者謂婚姻爲兄弟以夫婦有兄弟之義或據壻於妻之父母有緦服故得謂之兄弟也嬪于虞者按堯典羣臣共舉舜於帝帝曰我其試哉女于時觀厥刑于二女釐降二女於嬪嬪于虞孔安國注云降下嬪婦也舜爲匹夫能以義理下帝女之心於所居嬪水之汭使行婦道於虞氏是也

漢賈誼新書 六術

人之戚屬以六爲法人有六親六親始曰父父有二子二子爲昆弟昆弟又有子子從父而昆弟故爲從父昆弟從父昆弟又有子子從祖而昆弟故爲從祖昆弟從祖昆弟又有子從曾祖而昆弟故爲曾祖昆弟曾祖昆弟又有子子爲族兄弟備於六此之謂六親親之始於一人世世別離分爲六親親戚非六則失本末之度是故六爲制而止矣六親有次不可相踰相踰則宗族擾亂不能相親是故先王設爲昭穆三廟以禁其亂何謂三廟上室爲昭中室爲穆下室爲孫嗣今子各以其次上下更居三廟以別親疏有制喪服稱親疏以爲重輕親者重疏者輕故復有粗衰齊衰大紅細紅緦麻備六各服其所當服夫服則有殊此先王之所以禁亂也

揚雄方言 雜釋

女謂之嫁子

郭注言往適人

東齊之間聳謂之倩

郭注言可借倩也今俗呼女聳爲卒便是也卒便一作平使

僂艾長老也東齊魯衛之間凡尊老謂之僂或謂之艾周晉秦隴謂之公或謂之翁南楚謂之父或

謂之父老南楚澤涯之間母謂之媼謂婦妣曰母娣稱婦考曰父娣

郭

注古者通以考妣爲生存之

稱

愚者子也湘沅之會凡言是子者謂之愚若東齊言子矣

郭
注愚音臬聲之轉也

娣孟姊也

郭

注外傳曰孟啖我是也今江東江越間呼姊聲如市此因字誤遂俗也娣音義未詳

築婬匹也

郭

注今關西兄弟婦相呼爲築婬廣雅作妯

婬耦也

班固白虎通

三綱六紀

三綱者何謂也謂君臣父子夫婦也六紀者謂諸父兄弟族人諸舅師長朋友也故君爲臣綱父爲子綱夫爲妻綱又曰敬諸父兄六紀道行諸舅有義族人有序昆弟有親師長有尊朋友有舊何謂綱紀綱者張也紀者理也大者爲綱小者爲紀所以張理上下整齊人道也人皆懷五常之性有親愛之心是以紀綱萬化若羅網之有紀綱而萬目自張也詩云疊疊我王綱紀四方君臣父子夫婦六人也所以稱三綱何一陰一陽謂之道陽得陰而成陰得陽而序剛柔相配故六人爲三綱三綱

法天地人六紀法六合君臣法天取象日月屈信歸功天也父子法地取象五行轉相生也夫婦法人取象六合陰陽有施化端也六紀爲三綱之紀者也師長君臣之紀也以其皆成己也諸父兄弟父子之紀也以其有親恩連也諸舅朋友夫婦之紀也以其皆有同志爲紀助也君臣者何謂也君羣也下之所歸心臣者羣堅也屬志自堅固春秋傳曰君處此臣請歸也父子者何謂也父者矩也以法度教子子者孳孳無已也故孝經曰父有爭子則身不陷於不義夫婦者何謂也夫者扶也以道扶接也婦者服也以禮屈服昏禮曰夫親脫婦之纓傳曰夫婦判合也朋友者何謂也朋者黨也友者有也禮記曰同門曰朋同志曰友朋友之交近則謗其言遠則不相訕一人有善其心好之一人有惡其心痛之貨則通而不計共憂患而相救生不屬死不託故論語曰子路云願車馬衣輕裘與朋友共敝之又曰朋友無所歸生於我乎館死於我乎殯朋友之道親存不得行者二不得許友以其身不得專通財之恩友饑則白之於父兄父兄許之乃稱父兄與之不聽卽止故曰友饑爲之減飡大寒爲之不重裘故論語曰有父兄在如之何其聞斯行之也男稱兄弟女稱姊妹何男女異姓故別其稱也何以言之禮親屬記曰男子先生稱兄後生稱弟女子先生爲姊後生爲妹父之昆